



Broj: 02-05-6784-32.1/14
Sarajevo, 08.04.2014. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst i 38/13), Vlada Kantona Sarajevo, na **61.** sjednici održanoj **08.04.2014.** godine, donijela je sljedeći

Z A K L J U Č A K

1. Utvrđuje se Prijedlog odluke o davanju saglasnosti na Odluku Vlade Kantona Sarajevo broj: 02-05-6784-32.1/14 od 08.04.2014. godine o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima.
2. Predlaže se Skupštini Kantona Sarajevo da, u skladu sa Poslovnikom Skupštine Kantona Sarajevo, doneše Odluku iz tačke 1. ovog Zaključka.

P R E M I J E R

Suad Zeljković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo stambene politike
5. Evidencija
6. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Broj: 02-05-6784-32.2/14
Sarajevo, 08.04.2014. godine

Na osnovu člana 22. i 24. stav (2) Zakona o Vladi Kantona Sarajevo („Službene novine Kantona Sarajevo“, broj 24/03 – Prečišćeni tekst i 38/13) i člana 4. stav (1) Odluke o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo („Službene novine Kantona Sarajevo“, broj 13/08 i 14/10), Vlada Kantona Sarajevo, na **61.** sjednici održanoj **08.04.2014.** godine, donijela je

ODLUKU
O KATEGORIJI LICA, USLOVIMA I KRITERIJIMA ZA RJEŠAVANJE
STAMBENOG PITANJA PUTEM KUPOVINE STANA POD POVOLJNIJIM
USLOVIMA

I

(Predmet odluke)

Odlukom o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima (u daljem tekstu: Odluka) propisuje se kategorija lica, uslovi, kriteriji za utvrđivanje rang liste, postupak podnošenja zahtjeva i utvrđivanja rang liste i način finansiranja za rješavanje stambenog pitanja putem kupovine stana pod povoljnijim uslovima, koje obezbjedi Vlada Kantona Sarajevo (u daljem tekstu: Vlada), a po osnovu realizacije projekta „Predinvestiranje u imovinsko-pravno rješavanje i izgradnje primarne materijalne infrastrukture za pokretanje nove stambene izgradnje u skladu sa prostorno-planskom dokumentacijom na području Kantona Sarajevo“.

II

(Značenje pojedinih termina)

Termini upotrijebljeni u ovoj Odluci imaju slijedeća značenja:

- a) „Kupovina stana pod povoljnijim uslovima“ – je obezbjedenje uslova sticanja vlasništva stana pod povoljnijim uslovima od tržišnih,
- b) „Lice koje nema riješeno stambeno pitanje,“ – je lice koje samo kao i članovi njegovog porodičnog domaćinstva, osim ako živi kod roditelja, nisu vlasnici stana ili porodične kuće i nisu nosioci stanarskog prava u mjestu rođenja na području Bosne i Hercegovine i teritoriji Kantona Sarajevo,
- c) „Najviše ratno priznanje“ – je priznanje utvrđeno u skladu sa odredbama Zakona o dopunskim pravima boraca/branitelja Bosne i Hercegovine („Službene novine Kantona Sarajevo“, broj: 45/12-Prečišćeni tekst),
- d) „Invalidnost“ – je invalidnost čiji je procenat utvrđen u skladu sa odredbom člana 18b. Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, br. 36/99, 54/04, 39/06 i 14/09) i odredbama člana 22., a u vezi sa čl. 23.-29. Zakona o penzijskom i invalidskom osiguranju („Službene novine Federacije BiH“, br. 29/98, 49/00, 32/01, 73/05, 59/06, 4/09 i 55/12),
- e) „Član porodičnog domaćinstva“ – je bračni ili vanbračni partner, dijete rođeno u braku ili van braka, usvojenik i drugo lice koje je podnositelj zahtjeva dužan izdržavati, a živi sa imenovanim u zajedničkom domaćinstvu u zadnje tri godine,
- f) „Bračna zajednica“ – je zakonom uređena zajednica života žene i muškarca, u smislu

člana 6. Porodičnog zakona Federacije Bosne i Hercegovine (“Službene novine Federacije BiH”, br. 35/05 i 41/05),

g) „Vanbračna zajednica“- je zajednica života žene i muškarca koji nisu u braku ili vanbračnoj zajednici sa drugom osobom, koja traje najmanje tri godine ili kraće ako je u njoj rođeno zajedničko dijete, u smislu člana 3. Porodičnog zakona Federacije Bosne i Hercegovine (“Službene novine Federacije BiH”, br. 35/05 i 41/05),

h) „Investitor“ – je pravno ili fizičko lice u čije ime i za čiji račun se gradi građevina i vrše drugi zahvati u prostoru.

III

(Kategorija lica)

Ovom Odlukom rješava se stambeno pitanje građana Kantona Sarajevo od punoljetstva do 50 godina starosti putem kupovine stana pod povoljnijim uslovima u vremenskom intervalu od juna 2014. godine do juna 2015. godine, za stanove koje Vlada obezbjedi za ovaj način rješavanja stambenog pitanja u istom periodu.

IV

(Uslovi za rješavanje stambenog pitanja putem kupovine stana pod povoljnijim uslovima)

(1) Uslove koje kandidat za rješavanje stambenog pitanja putem kupovine stana pod povoljnijim uslovima mora ispuniti, su:

- a) da je starosne dobi od punoljetstva do 50 godina,
- b) da je državljanin Bosne i Hercegovine sa prebivalištem na području Kantona Sarajevo u toku posljedne tri godine,
- c) da nema riješeno stambeno pitanje.

(2) Javne isprave izdate od ovlaštenog organa koje kandidat dostavlja kao dokaz da ispunjava uslove iz stava (1) ove tačke su:

- a)izvod iz matične knjige rođenih,
- b) uvjerenje o državljanstvu,
- c) uvjerenje Ministarstva unutrašnjih poslova o kretanju,
- d) uvjerenje nadležnog suda da kandidat i članovi njegovog porodičnog domaćinstva nisu vlasnici stana ili porodične kuće u mjestu rođenja na području Bosne i Hercegovine i na području Kantona Sarajevo,
- e) potvrda izdata od nadležnog organa (Kantonalni stambeni fond Sarajevo i nadležni organ u mjestu rođenja), da podnositelj zahtjeva i članovi njegovog porodičnog domaćinstva nisu nosioci stanarskog prava na području Kantona Sarajevo i u mjestu rođenja na području Bosne i Hercegovine.

V

(Kriteriji za utvrđivanje rang liste)

Kriteriji za određivanje broja bodova i utvrđivanja reda prvenstva kandidata su:

- a) starosna dob,
- b) stepen stručne spreme,
- c) deficitarnost kadrova,
- d) broj članova porodičnog domaćinstva,
- e) boravak na području Bosne i Hercegovine i učešće u Oružanim snagama Republike Bosne i Hercegovine,
- f) nosilac najvišeg ratnog priznanja,
- g) stepen invalidnosti,
- h) priznati naučni rad, kulturni nastup i izložba, sportski i profesionalni uspjeh, te renomirano svjetsko, evropsko i drugo javno priznanje za rezultat u radu,
- i) zajedničko apliciranje bračnih ili vanbračnih partnera.

VI

(Starosna dob kandidata)

Broj bodova koji se dodijeljuje po osnovu kriterija starosna dob kandidata je:

- | | | |
|----|----------------------------------|------------|
| a) | do 35 godina starosti..... | 15 bodova, |
| b) | od 35 do 40 godina starosti..... | 10 bodova, |
| c) | od 40 do 50 godina starosti..... | 5 bodova. |

VII

(Stručna spremu kandidata)

Broj bodova koji se dodjeljuje po osnovu kriterija stepen stručne spreme je:

- | | |
|--|------------|
| a) doktor nauka..... | 30 bodova, |
| b) magistar nauka..... | 25 bodova, |
| c) VSS, prvak opere, drame i baleta..... | 20 bodova, |
| d) VŠS..... | 15 bodova, |
| e) SSS..... | 10 bodova, |
| f) NS..... | 5 bodova. |

VIII

(Deficitarnost kadrova)

Broj bodova koji se dodijeljuje po osnovu kriterija deficitarnost kadrova, što kandidat dokazuje potvrdom Službe za zapošljavanje Kantona Sarajevo da na evidenciji nezaposlenih nema odgovarajućeg kadra.....5 bodova.

IX

(Broj članova porodičnog domaćinstva)

Broj bodova koji se dodjeljuje po osnovu kriterija broj članova porodičnog domaćinstva, što kandidat dokazuje izvodom iz matične knjige rođenih za članove porodičnog domaćinstva, za svakog člana porodičnog domaćinstva.....3 boda.

X

(Boravak na području Bosne i Hercegovine)

(1) Broj bodova koji se dodjeljuje po osnovu kriterija boravak na području Bosne i Hercegovine i učešće u Oružanim snagama Republike Bosne i Hercegovine je:

- | | | |
|----|---|---------|
| a) | za svako pola godine provedeno na području Kantona Sarajevo u periodu trajanja ratnog stanja (20.04.1992. do 20.12.1995.godine), što kandidat dokazuje potvrdom obrazovne ustanove koju je pohađao u tom periodu ili uvjerenjem o kretanju Ministarstva unutrašnjih poslova..... | 3 boda, |
| b) | za svaku godinu provedenu na području Kantona Sarajevo izvan perioda trajanja ratnog stanja (20.04.1992. do 20.12.1995.) od dana punoljetsva do dana apliciranja na javni poziv po ovoj Odluci, što kandidat dokazuje uvjerenjem o kretanju Ministarstva unutrašnjih poslova..... | 2 boda, |
| c) | Za svako pola godine učešća u Oružanim snagama Republike Bosne i Hercegovine u periodu trajanja ratnog stanja (20.04.1992. do 20.12.1995.), što kandidat dokazuje uvjerenjem izdatim od nadležnog organa..... | 2 boda. |

(2) Maksimalan broj bodova po svim elementima iz stava (1) ove tačke je 40 bodova.

XI

(Najviše ratno priznanje)

Broj bodova koji se dodjeljuje po osnovu kriterija nosilac najvišeg ratnog priznanja, što kandidat dokazuje uvjerenjem izdatim od nadležnog organa je.....10 bodova.

XII

(Stepen invalidnosti)

(1) Broj bodova koji se dodjeljuje po osnovu kriterija stepen invalidnosti u skladu sa odredbom člana 18b. Zakona o osnovama socijalne zaštite, zaštite civilnih žrtava rata i zaštite porodice sa djecom, što kandidat dokazuje uvjerenjem izdatim od nadležnog organa, je:

- a) za invalida sa 20-30 % invaliditeta.....2 boda,
- b) za invalida sa 30-40 % invaliditeta.....3 boda,
- c) za invalida sa 40-50 % invaliditeta.....4 boda,
- d) za invalida sa više od 60 % invaliditeta.....5 bodova,
- e) za svakih narednih 10 % invalidnosti dodaje se po.....5 bodova.

(2) Broj bodova koji se dodjeljuje po osnovu kriterija stepen invalidnosti u skladu sa odredbama člana 22., a u vezi sa čl. 23.-29. Zakona o penzijskom i invalidskom osiguranju, što kandidat dokazuje uvjerenjem izdatim od nadležnog organa, je:

- a) za I kategoriju invalidnosti10 bodova
- b) za II kategoriju invalidnosti..... 5 bodova.

XIII

(Priznati naučni rad, kulturni nastup i izložba, sportski i profesionalni uspjeh, te renomirano svjetsko, evropsko i drugo javno priznanje za rezultat u radu)

(1) Broj bodova koji se dodjeljuje po osnovu kriterija priznati naučni rad, kulturni nastup i izložba, sportski i profesionalni uspjeh, te renomirano svjetsko, evropsko i drugo javno priznanje za rezultat u radu je:

- a) osvajač medalje na svjetskom prvenstvu i olimpijadi u sportu ili osvajač svjetskog renomiranog priznanja i nagrade u oblasti nauke, tehnike, kulture, umjetnosti i informatike uključujući i priznanja umjetničke kritike.....5 bodova
- b) osvajač zlatne medalje (max. tri medalje).....1 bod
- c) na broj bodova iz tačke a) dodaje se broj bodova iz alineje 1),
- d) doprinos kroz patent dokazan ili certificiran od strane ovlaštene institucije i doprinos u nauci, tehnici i tehnologiji kroz inovaciju dokazanu ili certificiranu od strane ovlaštenih institucija.....5 bodova,
- e) osvajač medalje na evropskom prvenstvu u sportu ili osvajač evropskog renomiranog priznanja i nagrade u oblasti nauke, tehnike, kulture, umjetnosti i informatike uključujući i priznanje umjetničke kritike.....3 boda
- f) osvajač zlatne nagrade (max. tri nagrade).....1 bod
- g) na broj bodova iz tačke c) dodaje se broj bodova iz alineje 1),

- h) osvajač medalje na regionalnom i na državnom prvenstvu u sportu ili osvajač regionalnog priznanja i nagrade u oblasti nauke, tehnike, kulture, umjetnosti i informatike uključujući i priznanje umjetničke kritike.....2 boda
- i) 1) osvajač prvog mjeseta (max. tri prva mjeseta).....1 bod
- j) 2) na broj bodova iz tačke d) dodaje se broj bodova iz alineje 1).

(2) Maksimalan broj bodova po svim elementima iz stava (1) ove tačke je 10 bodova.

(3) Kao dokaz za dodjelu bodova po kriteriju iz stava (1) ove tačke kandidat dostavlja ispravu odnosno mišljenje nadležne institucije iz pojedinih oblasti.

XIV

(Zajedničko apliciranje bračnih ili vanbračnih partnera)

(1) Bračni ili vanbračni partner aplicira zajedno jednom aplikacijom uz ovjerenu izjavu koji će od njih biti podnositelj zahtjeva.

(2) U slučaju da bračni ili vanbračni partner podnositelja zahtjeva ispunjava uslove iz tačke IV ove Odluke, na broj bodova koje dobije podnositelj zahtjeva po osnovu kiriterija iz tačke VI, VII, VIII, X, XI, XII i XIII ove Odluke, dodaje se jedna trećina bodova koje po istim kriterijima dobije njegov bračni ili vanbračni partner.

XV

(Redoslijed na rang listi u slučaju jednakog broja bodova)

U slučaju jednakog broja bodova, prednost na rang listi se daje kandidatu koji je dobio veći broj bodova prema redoslijedu kriterija iz tačke V ove Odluke.

XVI

(Postupak podnošenja zahtjeva i utvrđivanja rang liste za rješavanje stambenog pitanja putem kupovine stana pod povoljnijim uslovima)

- (1) Postupak podnošenja zahtjeva i utvrđivanja rang liste za rješavanje stambenog pitanja putem kupovine stana pod povoljnijim uslovima se realizuje po slijedećoj proceduri:
- a) zahtjev za rješavanje stambenog pitanja putem kupovine stana pod povoljnijim uslovima sa dokazima o ispunjavanju uslova iz tačke IV ove Odluke i kriterija iz tačke V ove Odluke kandidat podnosi Komisiji koju imenuje Ministar stambene politike Kantona Sarajevo (u daljem tekstu: ministar), na osnovu javnog poziva koji raspisuje Ministarstvo stambene politike Kantona Sarajevo (u daljem tekstu: Ministarstvo) i objavljuje u jednim od dnevnih novina, na oglasnoj ploči Kantona Sarajevo i web stranici Kantona Sarajevo,
 - b) Komisija, po prijemu zahtjeva, provjerava ispunjenost uslova iz tačke IV ove Odluke na osnovu dostavljene relevantne dokumentacije i isprava priloženih uz zahtjev,
 - c) Komisija odbacuje kao neuredan zahtjev kandidata koji ne ispunjava uslove iz tačke IV ove Odluke,
 - d) Komisija vrši bodovanje kandidata u skladu sa kriterijima iz tač. VI-XIV ove Odluke i utvrđuje nacrt rang liste,
 - e) nacrt rang liste se objavljuje na oglasnoj ploči Kantona Sarajevo i web stranici Kantona Sarajevo. Na nacrt rang liste kandidat može Komisiji uložiti prigovor, uz odgovarajući dokaz, u roku od sedam dana od dana objavljivanja nacrta rang liste. Komisija razmatra prigovor nakon čega informiše podnosioca prigovora o donesenoj odluci po prigovoru i utvrđuje prijedlog rang liste koji dostavlja ministru,
 - f) konačnu rang listu utvrđuje ministar i objavljuje je na oglasnoj ploči Kantona Sarajevo i na web stranici Kantona Sarajevo i dostavlja investitoru sa kojim su obezbjeđene stambene jedinice za ovaj način rješavanja stambenog pitanja,
 - g) u javnom pozivu iz tačke a) ovog stava utvrđuje se da ukoliko po konačnoj rang listi ne bude izvršena kupoprodaja svih raspoloživih stambenih jedinica, zainteresirani kandidati svakog narednog mjeseca podnose zahtjev Komisiji na osnovu javnog poziva koji će biti objavljen na oglasnoj ploči Kantona Sarajevo i web stranici Kantona Sarajevo,
 - h) Komisija na kraju svakog mjeseca utvrđuje prijedlog rang liste za kandidate iz tačke g) ovog stava i istu dostavlja ministru koji utvrđuje konačnu rang listu i objavljuje je na oglasnoj ploči Kantona Sarajevo i web stranici Kantona Sarajevo i dostavlja je investitoru sa kojim su obezbjeđene stambene jedinice za ovaj način rješavanja stambenog pitanja.

(2) Ministar svakih šest mjeseci Vladi podnosi izvještaj o provedenim aktivnostima iz stava (1) ove tačke.

XVII

(Način finansiranja)

(1) Ministarstvo zaključuje Sporazum sa investitorom kojim se utvrđuje broj, struktura i prodajna cijena po m^2 obezbjeđenih stambenih jedinica, za rješavanje stambenog pitanja putem kupovine stana pod povoljnijim uslovima kandidata sa konačne rang liste.

(2) Saglasnost za zaključivanje Sporazuma daje Vlada na prijedlog Ministarstva.

(3) Način finansiranja kupovine stana pod povoljnijim uslovima utvrđuje investitor i odabrani kandidat sa rang liste, a veličina stana ne može biti veća od trosobnog stana ili stana površine $80 m^2$.

XVIII

(Zabrana otuđenja stana)

Zabranjuje se kandidatu koji je izvršio kupovinu stana u skladu sa ovom Odlukom da predmetni stan otudi na bilo koji način u roku od pet godina od dana useljenja u isti, a kandidat je saglasan da se ova zabrana upiše u zemljišne knjige bez njegovog znanja.

XIX

(Ravnopravnost spolova)

Gramatička terminologija u ovoj Odluci podrazumjeva uključivanje oba spola.

XX

(Raniji propisi)

Danom stupanja na snagu ove Odluke prestaje da važi Odluka o kategoriji lica, uslovima i kriterijima za rješavanje stambenih pitanja putem kupovine stana pod povoljnijim uslovima („Službene novine Kantona Sarajevo“, broj: 18/13).

XXI

(Stupanje na snagu ove Odluke)

Ova Odluka stupa na snagu davanjem saglasnosti Skupštine Kantona Sarajevo i objavit će se u „Službenim novinama Kantona Sarajevo“.

P R E M I J E R

Suad Zeljković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo stambene politike
5. Za objavu u „Službenim novinama Kantona Sarajevo“
6. Evidencija
7. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 18. Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01 i 28/04) i člana 4. stav (1) Odluke o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo („Službene novine Kantona Sarajevo“, br. 13/08 i 14/10), Skupština Kantona Sarajevo, na sjednici _____ održanoj dana _____ 2014.godine donosi

Prijedlog

ODLUKU

O DAVANJU SAGLASNOSTI NA ODLUKU VLADE KANTONA SARAJEVO BROJ: 02-05-6784-32.2/14 OD 08.04.2014.GODINE O KATEGORIJI LICA, USLOVIMA I KRITERIJIMA ZA RJEŠAVANJE STAMBENOG PITANJA PUTEM KUPOVINE STANA POD POVOLJNIJIM USLOVIMA

Član 1.

Daje se saglasnost na Odluku Vlade Kantona Sarajevo broj: 02-05-6784-32.2/14 od 08.04.2014. godine, o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima.

Član 2.

Ova odluka stupa na snagu danom objavljivanja u „Službenim novinama Kantona Sarajevo“.

Broj:
Sarajevo,

**Predsjedavajuća
Skupštine Kantona Sarajevo**

Prof.dr Mirjana Malić

O b r a z l o ž e n j e

I Pravni osnov za donošenje odluke

Pravni osnov za donošenje ove odluke sadržan je članu 4. Odluke o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo („Službene novine Kantona Sarajevo“, br. 13/18 i 14/10).

II Razlozi za donošenje odluke

Razlozi za donošenje ove odluke sadržani su u članu 4. stav (1) Odluke o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo, kojim je propisano da Vlada Kantona Sarajevo svake godine donosi Odluku o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima, na koju saglasnost daje Skupština Kantona Sarajevo.

PRILOG:

- Odluka o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima broj: 02-05-6784-32.2/14 od 08.04.2014.godine,
- Obrazloženje,
- Odluka o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo („Službene novine Kantona Sarajevo“, br. 13/18 i 14/10).

O b r a z l o ž e n j e

I Pravni osnov za donošenje Odluke

Pravni osnov za donošenje ove Odluke sadržan je u članu 24. stav (2) Zakona o Vladi Kantona Sarajevo („Službene novine Kantona Sarajevo“, br. 24/03- Prečišćeni tekst i 38/13) i članu 4. Odluke o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo („Službene novine Kantona Sarajevo“, br. 13/08 i 14/10), kojim je propisano da Vlada Kantona Sarajevo svake godine donosi Odluku o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima, na koju saglasnost daje Skupština Kantona Sarajevo.

II Razlozi za donošenje Odluke

Razlozi za donošenje ove Odluke su sadržani u realizovanim aktivnostima projekta Predinvestiranje u imovinsko-pravno rješavanje i izgradnje primarne materijalne infrastrukture za pokretanje nove stambene izgradnje u skladu sa prostorno-planskom dokumentacijom na području Kantona Sarajevo.

III Pravna rješenja

Tačkom I definisan je predmet ove Odluke.

Tačkom II definisani su termini koji se koriste u ovoj Odluci.

Tačkom III utvrđena je kategorija lica tj. građani Kantona Sarajevo od punoljetstva do 50 godina starosti koji rješavaju stambeno pitanje putem kupovine stana pod povoljnijim uslovima, za stanove koje Vlada obezbjedi za ovaj način rješavanja stambenog pitanja.

Tačkom IV definisani su uslovi koje kandidat treba ispunjavati za rješavanje stambenog pitanja putem kupovine stana pod povoljnijim uslovima, a to su: da je starosne dobi od punoljetstva do 50 godina, da je državljanin Bosne i Hercegovine sa prebivalištem na području Kantona Sarajevo u toku posljednje tri godine i da nema riješeno stambeno pitanje, kao i javne isprave izdate od ovlaštenog organa koje kandidat dostavlja kao dokaz da ispunjava uslove iz ovog člana.

Predloženom Odlukom starosna dob je utvrđena do 50 godina, ali se i dalje ovom Odlukom daje prednost mladima do 35 godina starosti jer se strasna dob utvrđuje kao kriterij za određivanje broja bodova.

Tačkom V ove Odluke se definišu kriteriji za određivanje broja bodova i utvrđivanja reda prvenstva kandidata, a to su: starosna dob, stepen stručne spreme, deficitarnost kadrova, broj članova porodičnog domaćinstva, boravak na području Bosne i Hercegovine i učešće u Oružanim snagama RBiH, nosilac najvišeg ratnog priznanja, stepen invalidnosti, priznati naučni rad, kulturni nastup i izložba, sportski i profesionalni uspjeh, te renomirano svjetsko, evropsko i drugo javno priznanje za rezultat u radu i zajedničko apliciranje bračnih ili vanbračnih partnera.

Tačkom VI - XIII ove Odluke se propisuje broj bodova po pojedinim kriterijima, kao i način i isprave kojima se dokazuje ispunjenost pojedinih uslova što je preduslov da se otklone moguće nejasnoće u postupku bodovanja.

Tačkom XIV definisana je mogućnost zajedničke aplikacije bračnih ili vanbračnih partnera.

Tačkom XV se propisuje postupak davanja prednosti na rang listi kandidatu koji je dobio veći broj bodova prema redoslijedu kriterija iz tačke V ove Odluke, a u slučaju jednakog broja bodova sa nekim drugim kandidatom.

Tačkom XVI stav (1) ove Odluke se propisuje postupak podnošenja zahtjeva i utvrđivanja rang liste za rješavanje stambenog pitanja putem kupovine stana pod povoljnijim uslovima po proceduri da se: zahtjev sa dokazima o ispunjavanju uslova iz tačke IV ove Odluke i dokazima za bodovanje po kriterijima iz tačke V ove Odluke podnosi Komisiji koju imenuje Ministar stambene politike, na osnovu javnog poziva koji raspisuje Ministarstvo stambene politike. Komisija, po prijemu zahtjeva, provjerava ispunjenost uslova iz tačke IV ove Odluke na osnovu dostavljene relevantne dokumentacije i isprava priloženih uz zahtjev i odbacuje kao neuredan zahtjev kandidata koji ne ispunjava uslove iz tačke IV ove Odluke. Komisija vrši bodovanje kandidata u skladu sa kriterijima iz tačke VI-XIV ove Odluke i utvrđuje nacrt rang liste, koji se objavljuje na oglasnoj ploči Kantona Sarajevo i web stranici Kantona Sarajevo. Kandidat može Komisiji uložiti prigovor na nacrt rang liste uz odgovarajući dokaz u roku od sedam dana od dana objavljivanja nacrta rang liste. Komisija razmatra prigovor nakon čega informiše podnosioca prigovora o donesenoj odluci po prigovoru i utvrđuje prijedlog rang liste koji dostavlja Ministru stambene politike. Konačnu rang listu utvrđuje Ministar stambene politike i istu objavljuje na oglasnoj ploči Kantona Sarajevo i web stranici Kantona Sarajevo i dostavlja investitoru sa kojim su obezbjedene stambene jedinice za ovaj način rješavanja stambenog pitanja. Stavom (1) ove tačke se utvrđuje i mogućnost da ukoliko se po konačnoj rang listi ne izvrši kupoprodaja svih raspoloživih stambenih jedinica, zainteresirani kandidati mogu svaki naredni mjesec podnijeti zahtjev Komisiji sve do prodaje svih raspoloživih stambenih jedinica. Stavom (2) ove tačke se definiše da Ministar stambene politike svakih šest mjeseci podnosi izvještaj Vladi o provedenim aktivnostima iz stava (1) ove tačke.

Tačkom XVII se definiše da Ministarstvo stambene politike zaključuje Sporazum sa investitorom, uz saglasnost Vlade, kojim se utvrđuje broj, struktura i prodajna cijena po m^2 obezbjeđenih stambenih jedinica, za rješavanje stambenog pitanja putem kupovine stana pod povoljnijim uslovima kandidata sa konačne rang liste. Način finansiranja kupovine stana pod povoljnijim uslovima utvrđuje investitor i odabrani kandidat sa rang liste, a veličina stana ne može biti veća od trosobnog stana ili stana površine $80 m^2$.

Tačkom XVIII se propisuje zabrana kandidatu koji je izvršio kupovinu stana, u skladu sa ovom Odlukom, da predmetni stan otudi na bilo koji način u roku od pet godina od dana useljenja u isti, a kandidat je saglasan da se ova zabrana upiše u zemljišne knjige bez njegovog znanja.

Tačkom XIX utvrđuje se ravnopravnost spolova.

Tačkom XX utvrđuje se da danom stupanja na snagu ove Odluke prestaje da važi Odluka o kategoriji lica, uslovima i kriterijima za rješavanje stambenih pitanja putem kupovine stana pod povoljnijim uslovima („Službene novine Kantona Sarajevo“, broj: 18/13).

Tačkom XXI utvrđuje se datum stupanja na snagu ove Odluke.

IV Finansijska sredstva

Za realizaciju ove Odluke finansijska sredstva obezbjedena su u Budžetu Kantona Sarajevo u ranijem periodu kao i u Budžetu Kantona Sarajevo za 2014.godinu za Ministarstvo stambene politike na poziciji GAU 025 Predinvestiranje u imovinsko-pravno rješavanje i izgradnje primarne materijalne infrastrukture za pokretanje kolektivne i individualne stambene izgradnje u skladu sa usvojenom prostorno-planskom dokumentacijom na području Kantona Sarajevo.

Bosna i Hercegovina
Federacija Bosne i Hercegovine
KANTON SARAJEVO
Ured za zakonodavstvo
Vlade Kantona Sarajevo



Bosnia and Herzegovina
Federation of Bosnia and Herzegovina
CANTON SARAJEVO
Office for legislature of Sarajevo
Canton Government

08/GPA LUBIBAKAĆ
07.04.2014.
Lew

Broj: 09-02-6791/14
Sarajevo, 07.04.2014. godine

KANTON SARAJEVO
MINISTARSTVO STAMBENE POLITIKE

PREDMET: Stručno mišljenje na prijedlog Odluke o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima.-

Na osnovu člana 2. Uredbe o Uredu za zakonodavstvo Vlade Kantona Sarajevo («Službene novine Kantona Sarajevo», broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa («Službenc novine Kantona Sarajevo», broj: 21/11-Novi prečišćeni tekst i broj: 30/11-Ispravka), Ured za zakonodavstvo Vlade Kantona Sarajevo, daje slijedeće

M I Š L J E N J E

1. Prijedlog Odluke o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima je pojedinačni akt koji sadrži kriterije i bodovanje za ostvarivanje prava za rješavanje stambenog pitanja putem kupovine stana pod povoljnijim uslovima, te u tom smislu ocjena i prihvatanje predloženih kriterija je u isključivoj nadležnosti Vlade Kantona Sarajevo.

Prijedlog Odluke kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima ne sadrži odredbe koje su u suprotnosti sa odredbama propisa, na koje se poziva nosilac pripreme predmetnog materijala u obrazloženju predmetne Odluke.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službenc novine Kantona Sarajevo", broj: 21/11-Novi prečišćeni tekst i broj: 30/11-Ispravka), te se isti može razmatrati na jednoj od narednih sjedница Vlade Kantona Sarajevo, uz napomenu da se predmetni materijal dopuni sa mišljenjem Ministarstva finansija Kantona Sarajevo s obzirom da je za provođenje ove Odluke potrebno obezbjediti budžetska sredstva.

- Dostaviti:
 ① Naslovu
 2. Evidencija
 3. Arhiva



web: <http://uzks.ktz.ba>
e-mail: arca@uzks.ktz.ba
Tel/fax: +387 36 30 00 48
Sarajevo, Hamdija Džidzara 1

Bosna i Hercegovina
 Federacija Bosne i Hercegovine
KANTON SARAJEVO
 Ministarstvo pravde i uprave



Bosnia and Herzegovina
 Federation of Bosnia and Herzegovina
CANTON SARAJEVO
 Ministry of Justice and Administration

Broj: 03-07-02-6793/14
 Sarajevo, 04.04.2014. godine

MINISTARSTVO STAMBENE POLITIKE
-ovdje-

PREDMET: Mišljenje o usklađenosti prijedloga Odluke o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava

U skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", br. 2/12-Prečišćeni tekst i 41/12) i člana 7. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), Ministarstvo pravde i uprave razmotrilo je navedeni prijedlog odluke i daje slijedeće

M I Š L J E N J E

Prijedlog Odluke o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima nije u suprotnosti sa odredbama Evropske konvencije o zaštiti ljudskih prava i osnovnih sloboda kao ni sa drugim pravnim aktima kojima je utvrđena zaštita ljudskih prava.

S poštovanjem,

Dostaviti:
 ① Naslovu;
 2. a/a.



Velida Memić, dipl. pravnik



web: <http://mpu.ks.gov.ba>
 e-mail: pravda@ks.gov.ba
 Tel: + 387 (0) 33 562-083, Fax: + 387 (0) 33 562-241
 Sarajevo, Reisa Džemaludina Čauševića 1



07/04/2014 13:06

#2035 P.001/002

ROM :KS MINISTARSTVO FINANSIJA

FAX NO. :+387 33 565 052

Apr. 07 2014 12:22PM P1

Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj:08-03-02-6792/14
Sarajevo,07.04. 2014. god

**MINISTARSTVO STAMBENE POLITIKE
O V D J E**

PREDMET:Mišljenje
Veza:vaš broj:27/01-05-6712/14 od 02.04.2014.god

U skladu sa članom 3. stav(4) Uredbe o postupku i načinu pripremanja , izrade i dostavljanja propisa („Službene novine Kantona Sarajevo“, broj 21/11- Novi prečišćeni tekst i 30/11) , dajemo slijedeće m i šlj e nj e:

Prijedlog Odluke o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima nije u suprotnosti sa finansijskim propisima.

Primjena ove Odluke može se finansirati do iznosa planiranih i raspoloživih sredstava za ove namjene u Budžetu Kantona Sarajevo.

S poštovanjem,



Pripremila- Avdić Z.^{ff}

web: <http://mf.ks.gov.ba>
e-mail: mf@mf.ks.gov.ba
Tel: +387 (0) 33 565-005, Cent. I +387 (0) 33 565-000
Fax: +387 (0) 33 565-052 i 565-048
Sarajevo, Maršala Tita 62



**“SLUŽBENE NOVINE KANTONA SARAJEVO”, BROJ 24/03 - PREČIŠĆENI
TEKST**

**ZAKON
O VLADI KANTONA SARAJEVO (Prečišćen tekst)**

VII - AKTA VLADE KANTONA

Član 22.

Vlada Kantona u ostvarivanju svojih nadležnosti utvrđenih ustavom donosi uredbe, odluke, rješenja i zaključke.

Član 23.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 24.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

**SLUŽBENE NOVINE
KANTONA SARAJEVO**

Četvrtak, 24. aprila 2008.

Broj 13 – Strana 6

Na osnovu člana 18. stav (1) tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) Skupština Kantona Sarajevo na sjednici održanoj 24. 4. 2008. godine, donijela je

ODLUKU

**O USLOVIMA I NAČINU POKRETANJA NOVE
STAMBENE IZGRADNJE U SKLADU SA
PROSTORNO-PLANSKOM DOKUMENTACIJOM NA
PODRUČJU KANTONA SARAJEVO**

Član 1.

(Predmet Odluke)

Odlukom o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo (u daljem tekstu: Odluka) regulišu se u javnom interesu uslovi, način i sredstva za pokretanje nove stambene izgradnje u cilju rješavanja stambenog pitanja, a posebno putem kupovine stana pod povoljnijim uslovima i određuje organ i tijelo za sprovođenje ove Odluke.

Član 2.

(Ciljevi)

Ciljevi odluke su: pokretanje i dinamiziranje izgradnje stambenih jedinica; racionalno korištenje prostora u skladu sa prostorno-planskom dokumentacijom; efikasna i konkretna primjena prostorno-planske dokumentacije; poboljšanje odnosa između objekata individualnog i kolektivnog stanovanja; izmijenjen odnos ponude i potražnje na tržištu; uticaj na vrijednost kvadratnog metra stambenog prostora i razvoj projekta na cijelom teritoriju Kantona Sarajevo.

Član 3.

(Značenje pojedinih termina)

Termini upotrijebljeni u ovoj Odluci imaju sljedeća značenja:

- "Nova stambena izgradnja" je izgradnja novih stambenih jedinica na području Kantona Sarajevo;
- "Prostorno-planska dokumentacija" je javni dokument kojim se određuje svršishodno organiziranje, korištenje i namjena zemljišta, te mjere i smjernice za zaštitu prostora;
- "Kupovina stana pod povoljnijim uslovima" je obezbeđenje uslova sticanja vlasništva stana pod povoljnijim uslovima od tržišnih;
- "Investiranje (Predinvestiranje)" je finansijsko ulaganje za stvaranje preduvjeta u cilju konačne realizacije investicija (izgradnje);
- "Investitor" je pravno ili fizičko lice u čije ime i za čiji račun se gradi građevina i vrše drugi zahvati u prostoru.

Član 4.

(Uslovi i način rješavanja stambenog pitanja)

- Vlada Kantona Sarajevo (u daljem tekstu: Vlada), svake godine donosi Odluku o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima, na koju saglasnost daje Skupština Kantona Sarajevo.
- Rješavanje stambenog pitanja putem kupovine stana pod povoljnijim uslovima vrši se na osnovu rang liste koju utvrđuje Vlada na osnovu javnog poziva, a na prijedlog komisije koju imenuje Vlada.
- Vlada, odnosno Ministarstvo stambenih poslova Kantona Sarajevo (u daljem tekstu: Ministarstvo) predinvestiranjem učestvuje u rješavanju imovinsko-pravnih odnosa i izgradnji komunalne infrastrukture na lokaciji koju odabere Ministarstvo direktno ili u saradnji sa Zavodom za planiranje razvoja Kantona Sarajevo, Zavodom za izgradnju Kantona Sarajevo i općinom na čijoj teritoriji se planira izgradnja.

Član 5.

(Sredstva za pokretanje nove stambene izgradnje)

- Sredstva za pokretanje nove stambene izgradnje u skladu sa ovom Odlukom, obezbeđuju se iz sredstava predviđenih Budžetom Kantona Sarajevo, za svaku budžetsku godinu u skladu sa Programom koji je u prilogu ove Odluke.
- Način finansiranja nove stambene izgradnje realizuje se godišnjim Predinvestiranjem u imovinsko-pravno rješavanje i izgradnju materijalne infrastrukture za pokretanje stambene izgradnje u skladu sa prostorno-planskom dokumentacijom na području Kantona Sarajevo.
- Realizacija sredstava iz stava (1) ovog člana vrši se na osnovu sporazuma, koji Ministarstvo, uz saglasnost Vlade, zaključi sa općinom na čijoj teritoriji se vrši izgradnja ili Fondom nad kojim Ministarstvo vrši nadzor nad zakonitošću rada.
- Sporazumom iz stava (3) ovog člana se definišu prava i obaveze učesnika u realizaciji, a posebno način izbora investitora, kao i njihovo pravo i obaveza po osnovu primijenjenih sredstava za predinvestiranje.
- Ministarstvo uz saglasnost Vlade zaključuje sporazum sa izabranim investitorom, utvrđuje broj, veličinu i cijenu stana po m² koji je investitor obvezan prodati licu iz člana 3. ove Odluke pod povoljnijim uslovima.

Član 6.

(Organ i tijela za sprovođenje ove Odluke)

- Utvrđivanje lokacija za predinvestiranje u cilju pokretanja nove stambene izgradnje vrši Ministarstvo samostalno ili u saradnji sa Zavodom za planiranje razvoja Kantona Sarajevo. Zavodom za izgradnju Kantona Sarajevo i općinom na čijoj teritoriji se planira izgradnja.
- Potpisivanje Protokola sa učesnicima u realizaciji predinvestiranja vrši Ministarstvo.
- Izbor investitora za izgradnju stambenih objekata vrši općina ili kantonalski fond nad kojim Ministarstvo vrši nadzor nad zakonitošću rada.

Član 7.

(Ravnopravnost spolova)

Gramatička terminologija u ovoj Odluci podrazumijeva uključivanje oba spola.

Član 8.

(Stupanje na snagu ove Odluke)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-13935/08
24. aprila 2008. godine
Skupštine Kantona Sarajevo
Sarajevo

Predsjedavajući
dr. Denis Zvizdić, s. t.

Na osnovu člana 18. stav 1. tačka b.) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), a u skladu sa čl. 10, 311. stav 2. i 313. tačka 2. Zakona o privrednim društvinama ("Službene novine Federacije BiH", broj 23/99, 45/00, 2/02, 6/02, 29/03 i 68/05), Skupština Kantona Sarajevo, na sjednici održanoj 24. 4. 2008. godine, donijela je

**SLUŽBENE NOVINE
KANTONA SARAJEVO**

Broj 14 – Strana 2

Četvrtak, 3. juna 2010.

finansirati iz vlastite djelatnosti, te u tom smislu Kanton Sarajevo nema nikakvih finansijskih niti drugih obaveza prema ovom Fakultetu.

Član 3.
(Prava i obaveze Fakulteta)

Fakultet za javnu upravu će sticanjem statusa pridružene članice Univerziteta u Sarajevu zadržati status pravnog lica, pridržavajući se svih prava i obaveza koje proizilaze iz Zakona o visokom obrazovanju Kantona Sarajevo, te drugih zakonskih propisa, Statuta Univerziteta u Sarajevu, podzakonskih akata, odluka koje donosi Senat, Upravni odbor Univerziteta u Sarajevu i druga tijela Univerziteta u Sarajevu koja imaju prava odlučivanja.

Član 4.
(Poseban ugovor)

Fakultet za javnu upravu će posebnim ugovorom sa Univerzitetom u Sarajevu precizirati prava i obaveze koje proizilaze iz odredaba Odluke Senata Univerziteta u Sarajevu broj 01-38-1800/09 od 17.06.2009. godine i drugih propisa koji regulišu oblast visokog obrazovanja.

Član 5.
(Besplatna edukacija)

Fakultet za javnu upravu će besplatno izvršiti edukaciju državnih službenika i namještnika Kantona Sarajevo prema planu koji će utvrditi Vlada Kantona Sarajevo u periodu od naredne dvije akademske godine, počevši od 2009/2010. akademske godine.

Član 6.
(Način vršenja edukacije)

Edukacija državnih službenika i namještnika vršit će se u sjedištu Kantona, pri čemu će Fakultet za javnu upravu u Sarajevu snositi troškove predavača, radnog materijala i certifikata o prisustvu na obuci.

Član 7.
(Stupanje Odluke)

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-16039/10
3. maja 2010. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. stav (1) tačka b) Ustava Kantona Sarajevo ("Službene novine Kantona Sarajevo", broj 1/96; 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 3. juna 2010. godine, donijela je

ODLUKU

**O IZMJENI ODLUKE O USLOVIMA I NAČINU
POKRETANJA NOVE STAMBENE IZGRADNJE U
SKLADU SA PROSTORNO-PLANSKOM
DOKUMENTACIJOM NA PODRUČJU KANTONA
SARAJEVO**

Član 1.

U Odluci o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo ("Službene novine Kantona Sarajevo", broj 13/08) u članu 4. stav (2) mijenja se i glasi:

(2) "Rješavanje stambenog pitanja putem kupovine stana pod povoljnijim uslovima vrši se na način utvrđen Odlukom iz stava (1) ovog člana."

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-16032/10
3. juna 2010. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) i člana 4. stav (1) Odluke o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo ("Službene novine Kantona Sarajevo", broj 13/08), Skupština Kantona Sarajevo, na sjednici održanoj 3. juna 2010. godine, donijela je

ODLUKU

**O DAVANJU SAGLASNOSTI NA ODLUKU VLADE
KANTONA SARAJEVO BROJ 02-05-14990-51/10 OD
27.05.2010. GODINE O IZMJENI ODLUKE O
KATEGORIJI LICA, USLOVIMA I KRITERIJIMA ZA
RJEŠAVANJE STAMBENIH PITANJA PUTEM
KUPOVINE STANA POD POVOLJNIJIM USLOVIMA**

Član 1.

Daje se saglasnost na Odluku Vlade Kantona Sarajevo broj 02-05-14990-51/10 od 27.05.2010. godine, o izmjeni Odluke o kategoriji lica, uslovima i kriterijima za rješavanje stambenih pitanja putem kupovine stana pod povoljnijim uslovima.

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-16030/10
3. juna 2010. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. stav 1. tačka m) Ustava Kantona Sarajevo ("Službene novine Kantona Sarajevo", broj 1/06, 2/06, 3/06, 16/07, 14/00, 4/01 i 28/04) i člana 5. Odluke o obilježavanju ulica, trgova, parkova, mostova, institucija i ustanova imenima i zgrada brojevima na području Kantona Sarajevo ("Službene novine grada Sarajeva", broj 7/94) i ("Službene novine Kantona Sarajevo", broj 12/06), Skupština Kantona Sarajevo, na sjednici održanoj 3. juna 2010. godine, donijela je

ODLUKU

**O IZMJENI NAZIVA ULICA ILI DIJELOVA ULICA NA
TERITORIJI MJESENH ZAJEDNICI "VELEŠIĆI" I
"GORNI VELEŠIĆI" U OPĆINI NOVO SARAJEVO**

I.

U općini Novo Sarajevo na teritoriji mjesnih zajednica "Velešići" i "Gornji Velešići" vrši se izmjena naziva ili dijelova ulica kako slijedi:

1. Ulica Muhameda ef. Pandže od broja 1-17 (parni i neparni brojevi) mijenja se u naziv Trg "Fadile - Odžaković Žute";
2. Ulica Muhameda ef. Pandže, od objekta Hidromontaža (br. 17) do autobuske okretaljke Gornji Velešići, mijenja se u naziv ulica "I. Slavna - 111. Viteška brigada";
3. Ulica Velešići, od raskrsnice Muhameda ef. Pandže do streljšta Velešići, mijenja se u naziv ulica "Fikret Kavazović-Roki", a ostatak ulice zadržava stari naziv sa izmenjom brojeva;
4. Ulica Gornji Velešići, od broja 1 pa do raskrsnice ispod plinske stanice sa postojećim čikmama, mijenja se u naziv ulica "Velešičkih boraca" (sto odgovara trasi minibuske linije);

